

毛
詩
要
義

柏舟

毛詩要義卷第三

一 共伯死時第武公年已

正義曰作柏舟詩者言其共姜自誓也所以自誓者衛世子共伯蚤死其妻共姜守義不嫁言衛世子者未成君故繫之父在之詞言世子別於衆子言共伯者共謚伯字以未成君故不稱爵言蚤死者謂早死不得爲妻不必年幼也世家武公和篡共伯而立五十五年卒楚語曰昔衛武公年九十有五矣猶箴儆于國則未必其

二

喪服傳

妻得適

人但不

嫁為善

死年九十五以後也則武公即位四十二以

上共伯是其兄則又長矣其妻蓋少猶可以嫁

喪服傳曰夫死妻釋子幼子無大功之親妻得

與之適人是於禮得嫁但不嫁為善故云

守義禮記云一與之齊終身不改故夫死不嫁

三僖侯已葬仍云兩髦追本親在之飾

正義曰既夕禮云既殯主人脫髦注云兒生三

月剪髮為髻男角女羈否則男左女右長大猶

為之飾存之謂之髦所以順父母幼小之心至

此尸柩不見喪無飾可以去之髦之形象未聞
內則注云髦者用髮爲之象幼時髻其制未聞
髮至眉亦無文故鄭云其制未聞脫髦諸侯小
斂而脫之此其伯之死時僎侯已葬去髦久矣
仍云兩髦者追本父母在之飾故箋引世子昧
爽而朝明君在時事也髦者事父母之飾也若
父母有先死者於死三日脫之服闋又著之若
二親並沒則因去之矣玉藻云親沒不髦

四凡子事父母鵷鳴而朝衣冠之飾

內則云子事父母鷄初鳴端韞紳注云端玄端
士服也庶人以深衣然則命士以下亦於鷄鳴
之時朝者命士以下當勉力從事因早起而適
父母之所不主爲朝也異官者則散多故內則
注云異官崇敬是也但文王之爲世子加隆焉
故鷄初鳴而至寢門耳內則云子事父母鷄初
鳴咸盥漱櫛纓笄總拂髦冠綰纓端韞紳擗笏
謂命士以上父子異官昧爽而朝更不言衣服
之異則纓笄以下同故云亦櫛纓笄總拂髦冠

牆有茨

綏纓也禮記文王世子云親疾世子親齊玄冠而養蓋亦衣玄端矣不并引端韞紳擯笏者以證經之兩髦故盡首服而已士冠禮曰皮弁笄爵弁笄注云有笄者屈組爲紘無笄者纓而結其條然則此冠言綏纓則無笄矣上言纓笄者爲纓而著笄也問喪曰親始死鷄斯注云鷄斯當爲笄纓是著纓必須笄也

五牆有茨主刺君故以宣姜繫於君

宣公卒惠公幼其庶兄頑烝於惠公之母生子

五人齊子戴公文公宋栢夫人許穆夫人正義
曰此主刺君故以宣姜繫於君謂之君母鷄之
奔奔則主刺宣姜與頑亦所以惡公之不防閑
詩人主意異也

田此刺衛夫人而云陳人君之德從夫爵
故陳人君之德服飾之盛宜與君子偕老也夫
人宣公夫人惠公之母也人君小君也或者小
字誤作人耳正義曰以上篇君母是宣姜故知
此亦爲宣公夫人夫妻一體婦人從夫之爵故

同名曰人君碩人傳曰人君以朱纁纁亦謂夫人也夫人雖理得稱人君而經傳無謂夫人爲人君者故箋疑之云或者小字誤作人

■七 箋謂象服榆翟闕翟君服則舜所云

象服是宜象服尊者所以爲飾箋云象服者謂榆翟闕翟也人君之象服則舜所云予欲觀古人之象日月星辰之屬

■八 副笄見周禮珈笄飾之最盛者

正義曰副者祭服之首飾追師掌王后之首服

九

鄭謂如漢
搖飾又云
制未聞

爲副編次言編若今假紒者編列他髮爲之假
作紒形加於首上次者亦髣他髮與己髮相合
爲紒故云所謂髮髣是編次所以異也以此笄
連副之飾是衡笄也故追師又云追衡笄注云
王后之衡笄皆以玉爲之唯祭服有衡笄垂于
副之兩傍當耳其下以紃懸瑱是也編次則無
衡笄言珈者以玉珈於笄爲飾后夫人首服之
尤尊故云珈笄飾之最盛者此副及衡笄與珈
飾唯后夫人有之卿大夫以下則無故云所以

別尊卑也箋以珣字從玉則珣爲筭飾謂之珣者珣之言加由副旣筭而加此飾故謂之珣如漢之步搖之上飾也步搖副之遺象故可以相類也古今之制不必盡同故言古之制所有未聞以言六珣必飾之有六但所施不可知據此言六珣則侯伯夫人爲六王后則多少無文也

十傳以翟羽飾衣鄭注周禮繒彩爲之

傳以翟雉名也今衣名曰翟故謂以羽飾衣猶右手秉翟卽執真翟羽鄭注周禮三翟皆刻繒

爲翟雉之形而彩畫之以爲飾不用真羽孫毓
云自古衣飾山龍華蟲藻火粉米及周禮六服
無言以羽飾衣者羽施於旌旗蓋則可施於衣
裳則否蓋附人身動則卷舒非可以羽飾故鄭
義爲長

十 釋髮髻瑱拂

昭二十八年左傳云有仍氏生女黠黑而甚美
光可以鑑名曰玄妻服虔云髮美爲髻詩云鬢
髮如雲其言美長而黑以髮美故之玄妻是髻

爲黑髮也髧一名髮故云髧髮也說文云髮益
髮也言已髮少聚他人髮益之哀十七年左傳
曰衛莊公見已氏之妻髮美使髧之以爲呂姜
髧是也不絜髧者言婦人髮美不用他髮爲髮
而自絜美故云不用髮爲善旣夕記云瑱塞耳
充耳是也或曰充耳淇奧云充耳琇瑩是也以
象骨搔首因以爲飾名之曰搔故云所以摘髮
葛屨云佩其象搔

十夏則裏衣絢綌絺之寢覺者

璫兮璫兮其之展也蒙彼綳紕是紕絆也禮有
展衣者以丹穀爲衣裳覆也紕之靡者爲紕是
當暑袷延之服也箋云后妃六服之次展衣宜
白綳紕紕之感感者展衣夏則裏衣綳紕此以
禮見於君及賓客之盛服也展衣字之誤禮記
作檀衣

三

以展覆紕當暑紕絆之服

毛以爲言夫人能與君子偕老者故服此璫兮
璫兮其鮮盛之展衣以覆彼綳紕之上綳紕是



服飾眉

目顏角

如此而

人不稱

當暑絀去袷延絜熱之服也子之夫人非直服
飾之盛又目視清明而眉上平廣且顏角豐滿
而德以稱之誠如是德服相稱之人宜配君子
故為一國之美女方今夫人何為淫亂失事君
子之道而不為美女之行乎

五 六服無明文孫毓鄭玄推次亦異

此傳言展用丹縠餘五服傳無其說丹縠亦不
知所出而孫毓推之以為袷衣赤綌翟青闕翟
黑鞠衣黃展衣赤緣衣黑鞠衣與黼同雖毛亦

當色黃祿衣與男子之祿衣名同則亦宜黑然則六服逆依方色義或如毓所言以婦人尚華飾赤爲色之著因而右行以爲次故禕衣赤榆翟青闕翟黑次鞠衣鞠衣宜白以爲疑於凶服故越取黃而展衣同赤因西方闕其色故祿衣越青而同黑也箋不同傳故云后妃六服之次展衣宜白言宜者無明文周禮之注差之以爲然也內司服掌王后之六服禕衣榆翟闕翟鞠衣展衣祿衣鄭司農云展衣白鞠衣黃祿衣黑

玄謂鞠衣黃桑服也色如麴塵象桑葉始生月
令三月薦鞠衣于先帝告桑事也祿者實祿衣
也男子之祿衣黑則是亦黑也六服備於此矣
以下推次其色則闕翟赤褕翟青褱衣玄是鄭
以天地四方之色差次六服之文



眉上下皆曰揚目上下皆曰清

以目視清明因名爲清故此云清視清明也揚
者眉上之羨名因名眉目曰揚故猗嗟云美目
揚芳傳曰好目揚眉是也旣名眉爲揚目爲清

明因謂眉之上眉之下皆曰揚目之上目之下皆曰清

七 唐有女蘿菟絲等六名

舍人曰唐蒙名女蘿女蘿又名菟絲孫炎曰別三名郭璞曰別四名則唐與蒙或并或別故三四異也以經直言唐而傳言唐蒙也類并傳曰女蘿菟絲松蘿也則又名松蘿矣釋草又云蒙王女孫炎曰蒙唐也一名菟絲一名王女則通松蘿王女爲六名

十九

臣得外

娶者春

秋有因

聘逆妻

鷦鷯之奔

奔

孟姜齊許申呂之長女庸弋無文

知孟姜列國之長女者以衛朝貴族無姓姜者故爲列國列國姜姓齊許申呂之屬不斥其國未知誰國之女也臣無墳外之交得取列國女者春秋之世因聘逆妻故得取焉言孟故知長女下孟弋孟庸以孟類之蓋亦列國之長女但當時列國姓庸弋者無文以言之

鷦鷯謂居有常匹表記證臣有逆命

序云鷦鷯之不若則以奔奔疆疆爲相匹之善

故爲居有常匹定本集注皆云居有常匹則爲俱者誤也表記引此證君命逆則臣有逆命故注云彊彊奔奔爭鬪惡貌也

夫人亦得稱君

我以爲君君國小君箋云小君謂宣姜正義曰夫人對君稱小君以夫妻一體言之亦得曰君襄九年在傳筮穆姜曰君其出乎

美衛文之詩蓋後來所作

春秋閔公二年冬狄人入衛衛懿公及狄人戰

定之

公中

漕平

于熒澤而敗宋桓公迎衛之遺民渡河立戴公
以廬於漕戴公立一年而卒魯僖公二年齊桓
公城楚丘而封衛於是文公立而建國焉正義
曰作定之方中詩者美衛文公也衛國爲狄人
所滅君爲狄人所殺城爲狄人所入其有遺餘
之民東徙渡河暴露野次處於漕邑齊桓公攘
去戎狄而更封之立文公焉國家殷富在文公
末年故左傳曰元年革車三十乘季年乃三百
乘明其駟牝三千亦末年之事也此詩蓋末年

始作或卒後爲之

三衛或言滅或言敗春秋書狄入衛

正義曰此序摠說衛事故直云滅衛不必斥懿公載馳見懿公死而戴公立夫人之唁戴公時故言懿公爲狄人所滅實滅也而木瓜序云衛國有狄人之敗者敗滅一也但此見文公滅而復興載馳見國滅而唁兄故言滅木瓜見國敗而救之故言敗是文勢之便也閔二年左傳言滅經書入者賈逵云不與夷狄得志於中國杜

續云君死國散經不書滅者狄不能赴衛之君
臣皆盡無復文告齊桓爲之告諸侯言狄已去
言衛之存故但以入爲文詩則據實而言

四 衛狄戰于滎澤蓋河北亦有滎澤

言東徙渡河則戰在河北也禹貢豫州滎波既
豬注云沅水溢出河爲澤今塞爲平地滎陽民
猶謂其處爲滎澤在其縣東春秋魯閔公二年
衛侯及狄人戰于滎澤此其地也如禹貢之注
則當在河南時衛都河北狄來伐而禦之既敗

而渡河在河北明矣故杜預云此滎澤當在河北但沅水發源河北入于河乃溢爲滎則沅水所溢被河南北故河北亦有滎澤但在河南多耳故指其潴水大處則在豫州此戰於滎則在其北畔相連猶一物故云此其地也左傳又曰及敗宋桓公逆諸河宵濟衛之遺民男女七百有三十人益之以共滕之民爲五千人立戴公以廬於漕是宋桓公迎衛之遺民渡河立戴公廬於漕之事杜預云廬舍也言國都上滅且舍於

此也

疏狄入與文立皆十二月則戴公初立即卒
此渡河處漕戴公時也傳唯言戴公之立不言
其卒而世家云戴公申元年卒復立其弟文公
二十五年文公卒案經傳二十五年衛侯燬卒
其戴公之立其年即卒故云一年然則狄以十
二月入衛懿公死其月戴公立而卒又文公立
故閔二年傳說衛文公衣大布之衣大帛之冠
服虔云戴公卒在於此年杜預云衛文公以此

年冬立是也

左疏戴公爲君不過十數日耳

註

戴公成君稱謚以衛滅不繫於先君

戴公立未踰年而成君稱謚者以衛旣滅而立不繫於先君故臣子成其喪而爲之謚

註

齊無攘戎之事成漕城楚丘即是

春秋僖二年春王正月城楚丘左傳曰諸侯城楚丘而封衛是也引證齊栢公攘戎狄而封之木瓜序云敝而封之與此一也左傳無攘戎狄救衛之事此言攘戎狄者以衛爲狄所滅民尚

畏秋閏二年傳曰齊侯使公子無虧帥車三百
乘以戌漕至僖二年又帥諸侯城楚丘於是戎
狄避之不復侵衛是亦攘救之事不啻要與秋
戰

楚丘衛徙河南故鄭疑楚丘在東郡界中

定之方中作于楚宮定營室也方中昏正四方
楚宮楚丘之宮也仲梁子曰初立楚宮也箋云
楚宮謂宗廟也定星昏中而正於是可以營制
宮室故謂之營室定昏中而正謂小營時其體

考

毛魯

人引先

師仲梁

子說謹

楚宮

與東壁連正四方正義曰鄭志張逸問楚宮今
何地仲梁子何時人荅曰楚丘在濟河間疑在
今東郡界中仲梁子先師魯人當六國時在毛
公前然衛本河北至懿公滅乃東徙渡河野處
漕邑則在河南矣又此二章升漕墟塋楚丘楚
丘與漕不甚相遠亦河南明矣故疑在東郡界
中杜預云楚丘濟陰成武縣西南屬濟陰郡猶
在濟北故云濟河間也但漢之郡境已不同鄭
疑在東郡杜云濟陰也毛公魯人而春秋時魯

有仲梁懷爲毛所引故言魯人當六國時蓋承
卽說而然

正定星中而正謂小雪時體與東壁連

釋天云營室謂之定孫炎曰定正也天下作官
室者皆以營室中爲正此言定星昏中而正四
方必是可以營制官室故謂之營室是取爾雅
爲說也然則毛不取記時而名營室者爲視其
星而正南北以營官室故謂之營室又云定星
昏而正中謂小雪時小雪者十月之中氣十二

此

壁室

則在室

東因名

東壁

月皆有節氣有中氣十月立冬節小雪中於此
時定星而正中也又解中得方者由其體與東
壁相成故得正四方以於列宿室與壁別星故
指室云其體又壁居南則在室東故因名東壁
釋天云娵訥之口營室東壁也孫炎曰娵訥之
口鄭則口開方營室東壁四方似口故因名云

正月城楚丘以未冬至故云得時

此定之方中小雪時則在周十二月矣春秋正
月城楚丘穀梁傳曰不言城衛衛未遷則諸侯

先爲之城其城文公乃於其中營宮室也建城
在正月則作室亦正月矣而云得時者在傳曰
凡土功水昏正而裁日至而畢則冬至以前皆
爲土功之時以曆校之僖二年閏餘十七則閏
在正月之後正月之初未冬至故爲得時也箋
言定星中小雪時舉其常期耳非謂作其楚宮
即當十月也如此則小雪以後方興土功而禮
記云君子旣蜡不興功者謂不復興農功而非
土功也月令仲秋云是月也可以築城郭建都

邑者秦法與周異仲冬云命有司曰土事無作
亦與左傳同然則左傳所云乃是正禮而召誥
於三月之下營洛邑之事於周之三月起土功
不依禮之常時者鄭志荅趙商云傳所言者謂
庸時也周召之作洛邑因欲觀衆殷樂之與否
三州毛傳度日以知東西規定極知南北鄭異
此度日出日入謂度其影也故公劉傳曰考於
日影是也其術則匠人云水地以縣置槩以縣
視以影爲規識日出之影與日入之景晝參諸

日中之影夜考之極星以正朝夕注云日中之影最短者也極星謂北辰也是揆日瞻星以正東西南北之事也如匠人注度日出日入之影不假於視定視極而東西南北皆知之此傳度日出入以知東西視定極以正南北者考工之文止言以正朝夕無正南北之語故規影之下別言考之極星是視極乃南北正矣但鄭因屈橫度之繩即可以知南北故細言之與此不爲乖也唯傳言南視定者鄭意不然何者以匠人

云晝參諸日中之影不言以定星參之經傳未有以定星正南北者故上箋以定爲記時異於傳也

四 官與室異名同實釋毛傳

釋官云官謂之室室謂之官郭璞曰皆所以通古今之異語明同實而兩名

傳室猶官也

五 箋以官爲宗廟室爲居室別先後

謂通而言之其對文則異故上箋楚官謂廟此楚室謂居室別其文以明二者不同也故引曲

禮曰君子將營宮室宗廟爲先廡庫爲次居室爲後明制有先有後別設其文也縣與斯干皆述先作宗廟後營居室也

卅 植六木於宮中爲琴瑟備

釋木云椅梓也舍人曰梓一名椅郭璞曰即楸也湛露曰其桐其椅桐椅旣爲類而梓一名椅故以椅桐爲梓屬言梓屬則椅梓別而釋木椅梓爲一者陸璣云梓者楸之䟽理白色而生子者爲梓梓實桐皮曰椅則大類同而小別也箋

云樹此六木於宮中明其別也又云其長大可伐以爲琴瑟言豫備也

世有九能可以爲大夫

升彼虛矣以望楚矣望楚與堂景山與京虛漕虛也楚丘有堂邑者景山大山京高丘也箋云自河以東夾於濟水文公將徙登漕之虛以望楚丘觀其旁邑及其丘山審其高下所依倚乃後建國焉慎之至也建邦能命龜田能施命作器能銘使能造命升高能賦師旅能誓山川能

說喪紀能誅祭祀能語君子能此九者可謂有
德音可以爲大夫建邦能命龜者命龜以遷求
吉之意若少牢史述曰假爾大筮有常筮孫某
來日丁亥用薦歲事于皇祖伯某以某妃配某
氏尚饗士喪卜曰哀子某卜葬其父某甫考降
無有近悔如此之類也建邦亦言某事以命龜
但辭亡也田能施命者謂於田獵而能施教命
以設誓若士師職云三曰禁用諸田役注云禁
則軍禮曰無于車無自後射其類也大司馬職

云斬牲以左右徇陳曰不用命者斬之是也田
所以習戰故施命以戒衆也作器能銘者謂既
作器能爲其銘若栗氏爲量其銘曰時文思索
允臻其極嘉量旣成以觀四國永啓厥後茲器
維則是也大戴禮說武王盤盂几杖皆有銘此
其存者也銘著名也所以因其器名而書以爲
戒也便能造命者謂隨前車應機造其辭命以
對若屈完之對齊侯國佐之對晉師君無常辭
也升高能賦者謂升高有所見能爲詩賦其形

狀鋪陳其事勢也師旅能誓者謂將帥能誓戒
之若鐵之戰趙鞅誓軍之類山川能說者謂行
過山川能說其形勢而陳述其狀也鄭志張逸
問傳曰山川能說何謂荅曰兩讀或云說者說
其形勢或云述者述其古事則鄭爲兩讀以義
俱通故也喪紀能誄者謂於喪紀之事能累列
其行爲文辭以作謚若子囊之誄楚恭之類故
曾子問注云誄累也累列生時行迹以作謚是
也祭祀能語者謂於祭祀能祝告鬼神而爲言

卅八

虛故墟

堂邑景

山大山

京方

所爲

語若荀偃禱河蒯賁禱祖之類是也知升漕墟
蓋地有故墟高可登之以望猶僖二十八年左
傳稱晉侯登有莘之墟也升墟而并望楚堂明
其相近故言楚丘有堂邑楚丘本亦邑但今以
爲都故以堂繫楚丘而言之釋詁云景大也故
知景山爲大山京與山相對故爲高丘釋丘云
絕高爲之京郭璞曰人力所作也又云非人爲
之丘郭璞曰地自然生則丘者自然而有京者
人力所爲形則相類故云京高丘也

九州

楚丘西有河東有濟故鄭云夾於濟水

禹貢云導沅水東流爲濟入于河溢爲滎東出于陶丘北又東至于荷又東北會于汶是濟自河北而南入於河又出而東楚丘在於其間西有河東有濟故云夾於濟水

十四

後雖遷帝丘不害爲允臧

此卜云終吉而僖三十一年又遷于帝丘而言終善者卜所以決疑衛爲狄人所滅國人分散文公徙居楚丘興復祖業國家殷富害莫如之

後自更以時事不便而遷何害終然允臧也

一四 馬三千過制國人美其能富

駉牝三千馬七尺曰駉駉馬與牝馬也箋云國
馬之制天子十有二閑馬六種三千四百五十
六匹邦國六閑馬四種千二百九十六匹衛之
先君兼邾鄆而有之而馬數過禮制今文公滅
而復興徙而能富馬有三千雖非禮制國人美
之

蟬螻

二四 蟬螻即虹鮮盛為雄虹闇為雌蜺

釋天云螭螭謂之雩螭螭虹也郭璞曰俗名爲
美人音義云虹雙出色鮮盛者爲雄雄曰虹閭
者爲雌雌曰蜺此與爾雅字小異音實同是爲
虹也序云止奔而經云莫之敢指是虹爲淫戒
月令孟冬虹藏不見則十月以前當自有虹言
由夫婦過禮者天垂象因事以見戒

三 隰亦虹與日互爲東西不在日傍

視祲注云隰虹也詩云朝隰于西則隰亦虹也
言升氣者以隰升也由升氣所爲故號虹爲隰

相鼠

詩序二
仁酒

鄭司農亦云隳者升氣是也上蟬螻虹也色青
赤因雲而見此言兩階則與彼同也視祲掌十
煇之法以觀妖祥注云煇謂日光氣也則隳亦
日之光氣矣蟬螻亦日光氣但日在東則虹見
西方日在西方虹見東方無在日傍之時

四

衛文能正羣臣而在位承敝化序文不順

正義曰作相鼠詩者刺無禮也由衛文公能正
其羣臣使有禮儀故刺其在位有承先君之化
無禮儀者在位無禮儀文公不黜之者以其承

干旄

先君之化弊風未革身無大罪不可廢之故也

五四 賢者告善謂處士

衛文公臣子多好善賢者樂告以善道也賢者
時處上也正義曰以臣子好善賢者告之則賢
者非巨子故云處士也士者男子之大稱言處
者處家未仕爲官鄉飲酒注云賓介處士賢者
鄉大夫賓之以獻於君是求仕也

六四

大夫得在浚郊由世官食邑於浚

大夫得言在浚之郊則此臣子食邑於浚也所

以得食邑者由古者臣有大功世其官邑故左
傳曰官有世功則有官族邑亦如之是有功之
臣得世官邑也有功世邑則宜爲卿故舉旃言
之

七四 卿有建旗時旗有旄摠名旌

凡旌旗有軍衆者畫異物然則平常建旃出軍
則建旗是卿有建旗之時旗亦有旄二章互文
也言旄則有旌旌言旗則亦有旄矣卒章言干
旌傳曰析羽爲旌於周禮則遊車之所載卿而

得建旌者鄉射記注云旌摠名也爾雅云注旌
首曰旌則干旄干旌一也旣設旒纓有旃旗之
稱未設旒纓空有折羽謂之旌卿建旌者設旒
纓而載之遊車則空載折羽無旒纓也

八四

天子之州長中大夫諸侯州長士

周礼州長中大夫天子之州長也鄉射目錄云
州長射於州序之禮經曰釋獲者執鹿中記云
士則鹿中是諸侯之州長士也言之屬者見鄉
遂官非一司常云師都建旗州里建旗縣鄙建

四

護之

鄉為夫

夫則遂

亦大夫

旄注云師都六鄉六遂大夫也如鄭之意鄉遂
同建旗則六鄉內州長黨正遂內鄼長里宰同
建旗遂內縣鄙鄉內族師間比同建旄諸侯之
鄉亦太夫故鄉飲酒目錄云諸侯之鄉大夫三
年賓賢能之禮是鄉為大夫則遂亦大夫也其
縣與州長班同則亦士也黨鄙在州縣之下或
亦為士鄼族以下卑則皆非士矣

五四之謂服馬四轡加一駟馬則益一轡

素絲組之良馬五之總以素絲而成組也駟馬

五轡箋云以素絲縷縫組於旌旗以爲之飾五之者亦謂五見之也正義曰凡馬士駕二旣夕禮云公賄以兩馬是也大夫以上駕四四馬則八轡矣駟馬五轡者御車之法駟馬內轡納於缺唯執其外轡耳駟馬執一轡服馬則二轡俱執之所謂六轡在手也此經有四之五之六之以御馬喻治民馬多益難御故先少而後多傳稱漸多之由爲說從內而出外上章四之謂服馬之四轡也此章加一駟馬益一轡故言五

之也下章又加一驂更益一轡故六之也據上
四之爲服焉此加一驂乃有五故言五轡也王
肅云古者一轅之車駕三馬則五轡其大夫皆
一轅車夏后氏駕兩謂之麗殷益以一駢謂之
驂周人又益一駢謂之駟本從一驂而來亦謂
之驂經言驂則三馬之名又孔晁云作者疊言
三王之法此似述傳非毛旨也何則馬以引重
左右當均一轅車以兩馬爲服傍以一馬驂之
則偏而不調非人情也株林曰棄我棄駒傳曰

禮記

王肅夏

禮義

周駟疏

謂殷亦

駕四三

則細

大夫乘駒則毛以大夫亦駕四也且殷之制亦
駕四故王基云商頌曰約軾錯衡八鸞鏘鏘是
殷駕四不駕三也又異義天子駕數易孟京春
秋公羊說天子駕六毛詩說天子至大夫同駕
四士駕二詩云四騂彭彭武王所乘龍旂承祀
六轡耳耳魯僖所乘四牡駉駉周道倬遲大夫
所乘謹案禮王度記曰天子駕六諸侯與卿同
駕四大夫駕三士駕二庶人駕一說與易春秋
同立之聞也周禮校人掌王馬之政凡頒良馬

許穆夫人賦
書天子
駕六鄭
不取

而養乘之乘馬一師四圍四馬為乘此一圍者
養一馬而一師監之也尚書顧命諸侯入應門
皆布乘黃朱言獻四黃馬朱鬣也既實周天子
駕六校人則何不以馬與圍以六為數顧命諸
侯何以不獻六馬王度記曰大夫駕三經傳無
所言是自古無駕三之制也

載馳

許穆夫人賦載馳鋪陳其志曰賦

正義曰此載馳詩者許穆夫人所作也閔念其
宗族之國見滅自傷不能救之所以鋪陳其志

賦作詩名曰賦左傳曰許穆夫人賦載馳是也
此思歸唁其兄首章是也又義不得二章以下
是也此實五章故左傳叔孫豹鄭子家賦載馳
之四章四猶未卒明其五也然彼賦載馳義取
控引大國今控下大邦乃在卒章言賦四章者
杜預云并賦四章以下賦詩雖意有所主欲爲
首引之勢并上章而賦之也左傳服虔注載馳
五章屬鄘風許夫人閔衛滅戴公失國欲馳驅
而唁之故作以自痛國小力不能救在禮婦人

國

三傳以

許子大

邦為四

章義賦

四并五

父母既沒不得寧兄弟於是許人不嘉故賦二章以喻思不遠也許人尤之遂賦三章以卒章非許人不聽遂賦四章言我遂往無我有尤也服氏既云載馳五章下歷說唯有四章謂除首章而更有二章即此二章三章是也凡詩之作首尾接連未有除去首章更為次第者也服氏此言無所案據正以傳有四章之言故為此釋不如杜氏并賦之說也

國君奔國喪或國存君死皆曰滅

君死於位曰滅公羊傳文也春秋之例滅有二
義若國被兵寇敵人入而有之其君雖存而出
奔國家多喪滅則謂之滅故左傳曰凡勝國曰
滅齊滅譚譚子奔莒狄滅溫溫子奔衛之類是
也若本國雖存君與敵戰而死亦謂之滅故云
君死於位曰滅即昭二十三年胡子髡沈子逞
滅之類是也

五十二月而卒凡其麥三四月時思衛
此時宋桓公迎衛之遺民立戴公是夫人所知

不須問矣又於時十一月也草木已枯野無生
麥而云問所控引言欲觀麥者夫人志在唁兄
思歸訪問非是全不知也又思欲嚮衛得於三
月四月民飢麥盛之時出行其野不謂當今十
二月也

五平王命武公爲公而云卿士公蓋兼官

賓之初筵云武公旣入而作是詩也則武公當
幽王之時已爲卿士矣又世家云武公將兵佐
周平戎甚有功平王命爲公則平王之初未命

爲公亦爲卿士矣此云入相于周不斥其時之
王或幽或平未可知也若平王則爲公而云卿
士者卿爲興事公其兼官故顧命注公兼官以
六卿爲正次

五 史記謂衛武殺兄篡國

諸言美者美所施之政教此則論質美德盛學
問自脩乃言美其身之德故叙者異其文也案
世家武公以其賂賂士以襲攻共伯而殺兄篡
國得爲美者美其逆取順守德流於民故美之

齊桓晉文皆篡弑而立終建大功亦此類也

五 切磋琢磨瑟僖赫喧

有匪君子如切如磋如琢如磨匪文章貌治骨
曰切象曰磋玉曰琢石曰磨道其學而成也聽
其規諫以自脩如玉石之見琢磨瑟兮僖兮赫
兮喧兮瑟訟莊貌僖寬大也赫有明德赫赫然
喧威儀容止宣著也正義曰視彼淇水隈曲之
內則有王芻與篇竹猗猗然美盛以興視彼衛
朝之上則有武公賢美德盛然則王芻篇竹所

以美盛也由後淇水浸潤之故武公所以德盛者由得康叔之餘烈故又言此有斐然文章之君子謂武公能學問聽諫以禮自脩而成其德美如骨之見切如象之見磋如玉之見琢如石之見磨以成其實器而又能瑟兮顏色矜莊攸兮容裕寬大赫兮明德外見咺兮威儀宣著有斐然文章之君子盛德之至如此故民稱之終不可以忘兮

十六 道學自脩大學與爾雅同此文

釋器云骨謂之切象謂之磋玉謂之琢石謂之磨此其對例耳白圭之玷尚可磨則玉亦得稱磨也故下箋云圭璧亦琢磨傳既云切磋琢磨之用乃云道其學而成也指解切磋之喻也又言而能聽其規諫以禮自脩飾如玉石之見琢磨則唯解琢磨無切磋矣此經文相似傳必知分爲別喻者以釋訓云如切如磋道學也郭璞曰骨象湏切磋而爲器人湏學問以成德又云如琢如磨自脩也郭璞曰玉石之被琢磨猶人自

脩飾也禮記大學文同爾雅是其別喻可知

云會弁毛以皮弁會髮鄭弁縫

充耳琇瑩會弁如星充耳謂之琇瑩瑩美石也
天子玉瑱諸侯以石弁皮弁所以會髮箋云會
謂弁之縫中飾之以玉璫璫而麤狀似星也天
子之朝服皮弁以日視朝傳天子至會髮正義
曰案冬官玉人職云天子用全上公用龍侯用
璚伯用將鄭注云公侯四玉一石伯子男三玉
二石由此言之此傳云諸侯以石謂玉石雜也

禮記云周弁殷哱夏收言收者所以收髮則此言會者所以會髮可知箋會至視朝正義曰弁師云王之皮弁會五采玉璫注云會縫中也皮弁之縫中每貫結五采玉十二以爲飾謂之璫詩云會弁如星又曰其弁伊其綦是也此云武公所服非爵弁是皮弁也皮弁而言會與弁師皮弁之會同故云謂弁之縫中也

六武公畿外諸侯入相自以本爵爲等

皮弁則侯伯璫飾七子男璫飾五玉亦三采武

公本畿外諸侯入相於周自以本爵爲等則王
用三采而璫飾七故云飾之以玉璫璫而處狀
似星若非外土諸侯事王朝者則卿璫飾六夫
璫飾四及諸侯孤卿大夫各依命數並玉用
二采其章弁飾與皮弁同

玉首章璫磨末章成器鄭云亦道其學而成
金錫練而精圭璧性有質箋云圭璧亦璫磨四
者亦道其學而成也正儀曰此與首章互文首
章論其學問聽諫之時言如器未成之初須琢

磨此論道德既成之時故言如圭璧已成之器
傳以金錫有其質練之故益精圭璧有其實
磨乃成器故箋云圭璧亦琢磨四者亦道其學
而成之

四侯伯子男入爲王官乘本車服

重較

傳重較卿士之車正義曰序云入相於周而此

卿士車

云倚重較者故云卿士之車與人注云較兩轆

周禮無

上出軾者則較謂車兩傍今謂之平較案大車

以子男入爲大夫得乘子男車服則此重較謂

侯伯之車也但周禮無重輶單輶之文

六王肅以道自誓或得傳旨鄭不忘君惡

考槃至弗諼正義曰此篇毛傳所說不明但諸
言碩人者傳皆以爲大德之人卒章碩人之軸
傳訓軸爲進則是大德之人進於道義也推此
而言則寬濶之義皆不得與箋同矣王肅之說
皆述毛傳其注云處窮山澗之間而能成其樂
者以大人質傳之德故雖在山澗獨寐而覺獨
言先王之道長自誓不敢忘也美君子執德弘

信道篤也歌所以詠志長以道自誓不敢過差
其言或得傳言今依之以爲毛詭鄭以爲成樂
在於澗中而不仕者是形貌大人寬然而有虛
乏之色既不爲君用飢乏退廼故獨寐而覺則
言長自誓不忘君之惡莊公不用賢者反使至
飢困故刺之

六

毛以邁爲寬大軸爲進鄭爲飢爲病

以寬邁及軸言碩人之飢狀則碩人是其形也
故云形貌大人不以寬爲寬德者以卒章言

人

爲病反以類此故知爲虛之之色也不論其有德之事者以怨君不用賢有德可知

○弗過弗敢過差弗告無所告語鄭易之

永矢弗過箋云弗過者不復入君之朝也永矢弗告無所告語也箋云不復告君以善道

○夫人當翟衣今衣錦加褱在塗之服

玉藻云禪爲絅故知褱禪衣也又解國君夫人當翟衣而嫁今言錦衣非翟衣則是在塗之所服也錦衣所以加褱者爲其文之大著也故中

庸云衣錦尚絅惡其文之大著是也此夫人錦衣爲在塗之服丰云錦衣錦裳庶人之妻嫁時之服非爲在塗與夫人異也士昏禮云女次紃衣纁褙士禮故不用錦衣庶人之妻得與夫人同者賤不嫌也

十 歷陳夫人父夫兄弟以明正嫡

太子居東宮因以東宮表太子故左傳曰娶於東宮得臣之妹服虔云得臣齊世子名居東宮是也繫太子言之明與同母見夫人所生之貴

故箋云兄弟皆正大

①邢譚皆姊妹之夫姨私互言之

釋親云男子謂女子先生為姊後生為妹妻之姊妹同出為姨女子謂姊妹之夫為私孫炎曰同出俱已嫁也私無正親之言然則謂吾姨者言著臣子之稱便文

耳春秋譚子奔莒則譚子爵言公者蓋依臣子之稱便文耳

②膏凝曰脂爾雅作冰脂

傳如脂之凝正義曰以脂有凝有釋散文則膏脂皆摠名對例即內則注所云脂肥凝者釋者曰膏釋器云冰脂也孫炎曰膏凝曰脂

四 頌即頸項蝤蛸即蝸一蟲六名

頌一名頸故禮記曰其頸五寸又名項士冠禮云緇布冠頌項蝤蛸也蝤蛸也蝤蛸也蝤蛸也蝤蛸也桑蟲也蝸也一蟲而六名也以在水中白而長故以比頌今定本云蝤蛸蝸也無蟲字與爾雅合

五 瓠犀爾雅作瓠棲

傳瓠犀瓠辨正義曰釋草云瓠棲辨也今定本
亦然孫炎曰棲瓠中辨也棲與犀字異音同

六 手膚領齒舉全物首眉指一體

釋蟲云此蟬蜻舍人曰小蟬也青青者某氏曰
鳴蟬此者孫炎曰方言云有文者謂之蟪郭氏
曰如蟬而小有文是也此蟲額廣而且方此經
手膚領齒舉全物以比之故言如蟪首蛾眉則
指其體之所以故不言如也

七 倩好口輔盼黑白分

正義曰以言巧笑之狀故知好口輔也左傳曰
輔車相依服虔云輔上頷車也與牙相依則是
牙外之皮膚頰下之別名也故易云咸其輔頰舌
明輔近頰也而非頰也笑之貌美在於口輔故
連言之美目眇兮眇白黑分

七鄭以說于農郊說當作襖毛不破字

碩人教教說于農郊教教長貌農郊近郊箋云
教教猶頌頌也說當作襖禮春秋之襖讀比口宜
同衣服曰襖今俗語然此言莊姜始來更正衣

服于衛近郊毛於詩皆不破字明此說爲舍孫
毓述毛云說之爲舍常訓也箋云云以禮施於
死者故引俗語證之

七 毛惟釋車制鄭云用嫡夫人正禮

四牡有驕朱幘鑣翟茀以朝驕壯貌幘飾也
人君以朱纒鑣肩汗且以爲飾鑣盛貌翟翟
車也夫人以翟羽飾車第蔽也箋云此又言莊
姜自近郊既正衣服乘是車馬以人君之朝皆
用嫡夫人之正禮今而不答

十八 襚以贈死鄭因謂衣服爲襚

類前章衣錦娶妻謂在塗之服明至近郊更正
翟衣而入國故爲襚不言聲之誤從可知士喪
禮云兄弟未以襚進雜記云襚者曰寡君使某
襚此禮之襚春秋文九年秦人來歸僖公成風
之襚隱元年公羊傳曰衣被曰襚穀梁傳曰衣
衾曰襚此春秋之襚也襚於農郊之襚與禮及
春秋之襚讀皆同也禮與春秋之襚謂之衣服
曰襚贈死者故何休云襚猶遺也以衣服可以

遺人因謂衣服爲後雖遺吉之衣服亦謂爲褻
今俗語猶然以禮文施於死者故引俗語以證之

一 大夫早退以君夫人聽治事同

釋大夫所以早退之意而兼言夫人者以君聽
外治夫人聽內職事與君皆同大夫退然後罷
故連言之玉藻云君日出而視朝退適路寢聽
政使人視大夫大夫退然後適小寢釋服適小
寢即是罷也又昏義曰天子聽外治后聽內職
夫人之於國與后同故知聽內事於正寢君出

視朝事畢乃之路寢以待大夫之所諮決事之
多少大夫所主故使人視大夫大夫退然後罷
箋云無使君勞倦者君夫人新爲妃耦宜親親
之故也

八毛以鱣爲鯉鮪爲鮓郭以爲四魚

鱣鯉鮓鮓謂魚有二名釋魚有鯉鱣舍人曰鯉
一名鱣郭璞曰鯉今赤鯉魚也鱣大魚似鱣而
短鼻口在頷下體有邪行甲無鱗肉黃大者長
二三丈今江東呼爲黃魚即是也釋魚又有鱣

鮓孫炎曰鯪一名鮓郭璞曰鯪今鯪額白魚
別名鯪江東通呼鮓為鯪舍人以鱣鯪為一魚
孫以鯪鮓為一魚郭璞以四者各為一魚陸璣
云鱣鮓出江海三月中從河下頭來上鱣身形
似龍銳頭口在額下背上腹下皆有甲縱廣四
五尺今於盟津東石磧上釣取之大者千餘斤
可炙為臠又可為鮓魚子可為醬鮓魚形似鱣
而青黑頭小而尖似鐵鉋盤口亦在額下其甲
可以摩薑大者不過七八尺益州人謂之鱣鮓

謂之
或
謂之
謂之

大者為王鮪小者為鮪鮪一名鮪肉色白味不
如鱸也今東萊遼東人謂之尉魚或謂之仲明
仲明者樂浪尉也溺死海中化為此魚如陸之
言又以今語驗之則鯉鮪鱸鮪皆異魚也故郭
璞曰先儒及毛詩訓傳皆謂此魚有兩名今此
魚種類形狀有殊無緣強合之為一物是郭謂
毛傳為誤

四 毛云段蘆莖亂李廵蘆亂一郭異

蘆蘆莖亂釋草文李廵曰分別葦類之異名

氓

選曰蘆葦也亂似荻而小如李巡云蘆葦亂其
一草如郭云則蘆葦亂別草太車傳曰荻離也蘆
之初生則毛意以故荻爲一草也陸璣云亂或
謂之荻至秋堅成則謂之荻其初生三月中其
心挺出其下本大如箸上銳而細揚州人謂之
馬尾以今語驗之則蘆葦亂別草也

四箋傳皆以抱布爲幣不訓泉

氓之蚩蚩抱布貿絲氓民也蚩蚩愚民之貌布
幣也箋云幣者所以貿買物也季春始鑄錢其

金

鄭

布參印

書為幣

無所出

賣絲外府注云布泉也其藏曰泉其行曰布取
名於水泉其流行無不徧檀弓注云古者謂錢
為泉布所以通布貨財泉亦為布也知此布非
泉而言幣者以言抱之則宜為幣泉則不宜抱
之也載師鄭司農云里布者布參印書廣二寸
長二尺以為幣貿易物引詩云抱布貿絲抱此
布也司農之言事無所出故鄭易之云罰以一
里二十五家之泉也此布幣謂絲麻布帛之布
幣者布帛之名故鹿鳴云實幣帛筐篚是也

八頓丘謂形如覆敦字異同音頓

傳丘一成為頓丘正義曰釋丘云丘一成為敦丘再成為陶丘三成為崐崙丘孫炎曰形如覆敦敦器似盂郭璞曰成猶重也周禮曰爲壇三成又云如覆敦者敦丘孫炎曰丘一成之形象也郭璞曰敦盂也音頓與此字異音同

八龜與卦皆有繇辭

爾卜爾筮體無咎言龜曰卜筮曰筮體兆卦之體筮云爾女也復關既見此婦人告之曰我卜

女筮女宜爲室家矣兆卦之繇無凶咎之辭言其皆吉又誘定之正義曰傳以經卜筮並言故兼云兆卦之體謂龜兆筮卦也左傳云其繇曰一薰一蕕十年尚猶有臭是龜之繇易曰困于石據于蒺藜是卦之繇也二者皆有繇辭

公士猶可說女惟以貞信爲節

士之耽兮猶可說也女之耽兮不可說也箋云說解也士有百行可以功過相除至於婦人無事維以貞信爲節

十九 知是鵲鳩以炆見桑甚食過則醉

釋鳥云鵲鳩鵲鳩某氏曰春秋云鵲鳩氏司事
春來冬去孫炎曰一名鳴鳩月令云鳴鳩拂其
羽郭璞曰似山鵲而小短尾青黑色多聲宛彼
鳴鳩亦此鳩也陸璣云班鳩也爾雅鳩類非一
知此是鵲鳩者以鵲鳩冬始去今秋見之以爲
喻故知非餘鳩也鳩食榘過時者謂食之過多
故醉而傷其性

一十九 婦人車飾幃裳亦名童容有褻

幃裳一名童容故巾車云重翟厭翟安車皆有容蓋鄭司農云容謂檐車山東謂之裳幃或曰童容以幃障車之傍如裳以爲容飾故或謂之幃裳或謂之童容其上有蓋四傍垂而下謂之檐故雜記曰其輶有襜注云襜謂輦甲邊緣是也然則童容與檐別司農云謂檐車者以有童容上必有檐故謂之爲檐車也此唯婦人之車飾爲然故士昏禮云婦車亦如之有檐是也幃裳在傍渡水則濕言已雖知汝負猶尚冒此深

水漸車之難而來明已專心於汝故責復關金
二意也

二婦者有姑之辭禮亦對舅

正義曰公羊傳曰稱婦有姑之辭傳以國君無
父故云有姑其實婦亦對舅故士昏禮云贊見
婦於舅姑是也

三男女未冠笄皆揔角謂結髮爲兩角

正義曰甫田云總角牝兮未幾見兮突而弁兮
是男子總角未冠則婦人總角未笄也故箋云

我爲童女未笄內則亦云男女未冠笄者總角
紒纓以無笄直結其髮聚之爲兩角故內則注
云收髮結之甫田傳云總角聚兩髦也箋言結
髮宴然之時解經總角之宴經有作𠂔者因甫
田總角𠂔𠂔而誤也定本作宴

惠公即位蓋年十五六

正義曰經言童子則惠公時仍幼童童者未成
人之稱年十九以下皆是也閔二年左傳曰初
惠公之即位也少杜預云蓋年十五六杜氏以

言初衛宣公烝於夷姜生伋子爲之娶於齊
而美公娶之生壽及朔言爲之娶於齊則宣公
已即位也宣公以隱四年冬立假令五年即娶
齊女至桓十二年見經凡十九年而朔尚有兄
壽則宣公即位三四年始生惠公也故疑爲十
五六也且此自謂有才能則非身幼也經云能
不我知是自謂有才能刺之而言谷瑤之美故
知但習威儀不知爲政以禮

五九 人君治成人之事雖童子猶佩觿

童子佩觿觿所以解結成人之佩也人君治成人之事雖童子猶佩觿早成其德容兮遂兮垂帶悸兮容儀可觀佩玉遂遂然垂其紳帶悸悸然有節度箋云容容刀也遂瑞也言惠公佩容刀與瑞及垂紳帶三尺則悸悸然行止有節度然其德不稱服正義曰內則云子事父母左佩小觿右佩大觿下別云男女未冠笄者故知成人之佩內則注云觿貌如錐以象骨爲之是可解結也又解童子而得佩成人之佩者由人

一

遂毛

儀狀

釋之鄭

君治成人之事故使得佩以早成其德故也
書注云人君十二而冠佩爲成人則似十二以
上要人君雖未十二亦治成人之事不必至冠
也此解觿以成人自當佩之不必國君爲父母
在乃服也下章鞶亦佩時有之舉以言焉不必
國君常佩傳以此三者皆言号故各爲其狀考
經曰容止可觀大東云鞶鞶佩璫璫本所佩之
物因爲其貌故言佩玉璫璫然帶之垂者唯有
紳耳故知垂其紳帶也悻悻然有節度揔三者

簪帶之辭箋以容及璲與帶相類皆指體言也故爲容刀與瑞知紳帶垂三尺者禮記玉藻云紳長制三尺是也行止有節度亦揔二者之辭

釋韞沓玦拾遂極之同異

童子佩韞韞玦也能射御則佩韞箋云韞之言沓所以彊沓手指正義曰傳云玦者以禮及詩言決拾車攻傳曰決鉤弦也繕人注云玦挾矢時所以持弦飾也著右手巨指引士喪禮曰玦用正王棘若擇棘則天子用象骨爲之著右臂

大指以鉤弦聞體大射士喪注皆然以士用藥
故推以上用骨大射注諸侯亦用象骨以大夫
用骨不必用象彼注云鉤弦與車攻傳同則一
也拾一名遂以韋爲之著於左臂所以遂弦與
玦別鄭以禮無以韋爲玦者故易之爲沓士喪
禮曰續極二注云極猶放弦也以沓指放弦令
不挈也生者以朱韋爲之而三死用續又二明
不用也知生用朱韋而三者大射云朱極三注
云以朱韋爲之食指將指無名指小指短不用

此是彊沓手指也車攻云決拾既伙箋云手指
相比次亦謂巨指既著決左臂加拾右手手指又
著沓而相比次也

母出與廟絕父雖死不可反

正義曰作河廣詩者宋襄公母本爲夫所出而
歸於衛及襄公即位思欲嚮宋而不能止以義
不可往故作河廣之詩以自止也左傳云公子
頑烝於宣姜生文公及宋桓夫人故知文公之
母襄公桓公之子故知襄公之母今定本無襄

公之母四字然子無出母之道故知當桓公之時生襄公而出今繫之襄公言母歸者明思而不止當襄公時故云襄公即位夫人思宋也所以義不得往者以夫人爲先君所出其子承父之重與相爲一體母出與廟絕不可以私反故義不得也大戴禮及家語皆云婦有七出

疏

后夫人無出雜記春秋有出夫人

諸侯之夫人雖無子不出以嬪妾既多不爲絕嗣故易同人注云天子諸侯后夫人不出是也

知者以春秋魯夫人無子多矣皆不出若犯餘
六出則去故雜記有出夫人禮又春秋杞伯姬
來歸及此宋栢夫人皆是也主后犯出則廢之
而已皆不出非徒無子故易鼎卦注云嫁於天
下雖失禮無出道遠之而已以天子天下爲家
其出無所出故也

一自河南適宋未渡河假渡爲辭

誰謂河廣一葦杭之杭渡也箋云誰謂河水廣
與一葦加之則可以渡之喻狹也令我之不渡

直自不往耳非爲其廣此假有渡者之辭非喻
夫人之嚮宋渡河也何者此文公之時衛已在
河南自衛適宋不渡河宋去衛甚遠故杜預云
宋今梁國睢陽縣也言跂足可見是喻近也

一百小船曰刀說文作𦨇

箋小船曰刀正義曰上言一葦桴枳之小此刀
宜爲舟船之小故云小船曰刀說文作𦨇𦨇小
船也字異音同劉熙釋名云三百斛以上曰艇
三百斛曰刀江南所謂短而廣安不傾危者也

伯兮傳謂魯相五年四國從王伐鄭

伯兮刺時也言君子行役爲王前驅過時而不
反焉衛宣公之時蔡人衛人陳人從王伐鄭伯
也爲王前驅久故家人思之正義曰蔡人衛人
陳人從王伐鄭春秋相五年經也時當宣公鄭
荅臨碩引公羊之文言諸侯不得專征伐有從
天子及伯者之禮然則宣公從王爲得其正以
兵屬王節度不由於衛君而以過時刺宣公者
諸侯從王雖正其時天子微弱不能使衛侯從

已而宣公自使從之據其君 過時不反實宣
公之由故主責之宣公而去利時者也

昭毛云州伯鄭云君子字

伯兮揭兮邦之桀兮伯州伯也揭武貌桀特立
也箋云伯君子字也桀英桀言賢也正義曰言
爲王前驅則非賤者今言伯兮故知爲州伯謂
州里之伯若牧下州伯則諸侯也非衛人所得
爲諸侯之州長也謂之伯者伯長也內則云州
史獻諸州伯州伯命藏諸州府彼州伯對閭史

閭府亦謂州里之伯箋伯君子字正義曰伯仲
叔季長幼之字而婦人所稱云伯也宜呼其字
不當言其官也此在前驅而執兵則有勇力爲
車右當亦有官但不必州長爲之

四兵車六等皆四尺爲差亦曰六建

及長文二而無刃箋云兵車六等軫也戈也人
也及也車戟也曹矛也皆以四尺爲差正義曰
考工記云及長尋有四尺尋八尺又加四尺是
文二也治氏爲戈戟之刃不言及刃是無刃也

箋因爰是兵車之所有故歷言六等之差考工
記曰兵車六等之數車軫四尺謂之一等戈枹
六尺有六寸旣建而進崇於軫四尺謂之二等
人長八尺崇於戈四尺謂之三等戈長尋有四
尺崇於人四尺謂之四等車戟常崇於戈四尺
謂之五等酋矛常有四尺崇於戟四尺謂之六
等是也彼注云戈戈戟矛皆插車軻此云執之
者在車當插用則執之此據用以言也又廬人
先言戈戈車戟酋矛夷矛之長短乃云攻國之

兵又云六建既備車不反覆注云六建五兵與人也則六建於六等不數軫而數夷矛不引之者因六等自軫歷數人父以上爲差之備故引之六等者自地以上數之其等差有六故注云洪易之三材六畫非六建也建者建於車上軫非車上所建也凡兵車皆有六建故廬人先言父父車戟酋矛夷矛乃云攻國之兵又云六建既備六建在車明矣但記者因酋矛夷矛同爲矛稱故自軫至矛爲六等象三材之六畫故不

數夷矛其實六建與六等一也若旨戈以上數
爲六等則人於六建不處其由故鄭云車有天
地之象人在其中焉明爲由此故自軫數之以
戈軫爲地材人爻爲人材矛戟爲天材人處地
上故在爻下如此則得其象矣或以爲凡兵車
則六建前驅則六等知不然者以考工記兵車
六等之數鄭云此所謂兵車也明兵車皆然非
獨前驅也前驅在車之右其當有勇力以用五
兵不得無夷矛也司兵云掌五兵鄭司農云五

百五

步卒五

兵與在

車之兵

不同

兵者戈矛戟鉞酋矛夷矛又曰軍事建車之五兵
注云車之五兵司農所云者是也步卒之五兵
則無夷矛而有弓矢則前驅非步卒必有夷矛
明矣知步卒五兵與在車不同者司右云凡國
之勇力之士能用五兵者屬焉注云勇力之士
屬焉者選右當於中司馬法云弓矢戈矛戈戟
相助凡五兵長以衛短短以救長以司兵云建
車之五兵則步卒五兵與車兵異矣夷矛長非
步卒所宜用故以司馬法五兵弓矢戈矛戈戟

當之車之五兵云建與六建文同故以司農所
云戈及戟酋矛夷矛當之勇力之士屬司右選
不右當於中則仍是步卒未爲右也故以步卒五
數爲兵解之步卒無夷矛數弓矢爲五兵在車則六
建除人即五兵以弓矢不在建中故不數也其
實兵車皆有弓矢故司弓矢云唐大和車戰野
戰枉矢絜矢用諸守城車戰又檀弓注云射者
在左又左傳曰前驅獸犬射而殺之是皆有弓
矢也

鄭在衛西南以從王東行言東

自伯之東正義曰此時從王伐鄭鄭在衛之西南而言東者時蔡衛陳三國從王伐鄭也上云為王前驅即云自伯之東明從王為前驅而東行故據以言之非謂鄭在衛東

百甘心毛厭足鄭心不能已

願言思伯甘心首疾甘心厭也箋云願念也我念思伯心不能已如人心嗜欲所貪口味不能絕也我憂思以生首疾正義曰謂之不已乃厭

於心用是生首疾也凡人飲食口甘遂至齋厭足故云甘厭也箋以甘心者思之不能已如口味之甘故左傳云請受而甘心焉始欲取以甘心則甘心未得爲厭故云我念思伯心不能已如人心嗜欲甘口不能絕甘與子同夢義亦然

垣欲得善忘憂之草不謂謏爲草名

焉得謏草言樹之背謏草令人忘憂背北堂也箋云憂以生疾恐將危身欲忘之傳謏草至北

禮房

室所居

總名堂

房半以

北堂

堂正義曰諼訓爲忘非草名故傳本其意言焉

得諼草謂欲得令人善忘憂之草不謂諼爲草

名故釋訓云諼忘也孫氏引詩云焉得諼草是

諼非草名也背者嚮北之義故知在北婦人欲

樹草於堂上冀數見之明非遠地也婦人所常

處者堂也故知北堂士昏禮云婦洗在北堂有

司徹云致爵于主婦主婦北堂注皆云北堂房

半以北爲北堂堂者房室所居之地揔謂之堂

房半以北爲北堂房半以南爲南堂也昏禮注

狐

云洗南北直室東隅東西直房戶與隅間謂在房室之內也此欲樹草蓋在房室之北堂者揔名房外內皆名爲堂也

垣

衛男女失時不行殺禮多昏之政

衛之男女失時喪其妃耦焉古者國有凶荒則殺禮而多昏會男女之無夫家者所以育人民也正義曰作有狐詩者刺時也以時君不教民隨時殺禮爲昏至使衛之男女失年盛之時大司徒曰以荒政十有二聚萬民十曰多昏注云

荒凶年也多昏不備禮而娶昏者多也

頌 衣喻夫裳與帶喻妻

之子無裳之子無室家者在下曰裳所以配衣也箋云之子是子也時婦人喪其妃耦寡而憂是子無裳無爲作裳者欲與爲室家二章傳曰帶所以申束衣則傳皆以衣喻夫以裳帶喻妻宜配之也

卷

國 齊救衛而封之又遺戴文車馬器服

木瓜美齊桓公也衛國有狄人之敗出處于漕

齊桓公救而封之遺之車馬器服焉衛人思之
欲厚報之而作是詩也木瓜三章章四句至是
詩正義曰有狄之敗懿公時也至戴公爲宋桓
公迎而立之出處於漕後即爲齊公子無虧所
救戴公卒文公立齊桓公又城楚丘以封之則
戴也文也皆爲齊所救而封之也下摠言遺之
車馬器服則二公皆爲齊所遺左傳齊侯使公
子無虧帥車三百乘以成漕歸公乘馬祭服五
稱牛羊豕鷄狗皆三百與門材歸夫人魚軒重

錦三十兩是遺戴公也外傳齊語曰衛人出廬
於漕栢公城楚丘以封之其畜散而死三月齊
栢公與之繫馬三百是遺文公也繫馬繫於廐
之馬言遺其善者也器服謂門材與祭服傳不
言車文不備此不言羊豕鷄狗舉其重者言欲
厚報之則時實不能報也心所欲耳經三章皆
欲報之辭

齒

釋木瓜桃李瓊瑤琤玖

釋木瓜木瓜以下木桃李皆可食之木則

此木瓜亦美木可食故郭璞云實如小瓜酢可食是也以言瓊琚琚是玉名則瓊非玉名故云瓊玉之美者言瓊是玉之美名非玉名也聘義注云瑜玉之美者亦謂玉中有美處謂之瑜瑜非玉名也有女同車云佩玉瓊琚故知琚佩玉名此言琚佩玉名下傳云瓊瑶美石瓊玖玉名三者互也琚言佩玉名瑶玖亦佩玉名瑶言美石玖言玉名明此三者皆玉石雜也故丘中有麻傳云玖石次玉是玖非金玉也

荀於木瓜見苞苴之禮行

孔子曰吾於木瓜見苞苴之禮行箋云以果實相遺者必苞苴之尚書曰厥包橘柚正義曰孔叢云孔子讀詩自二南至於小雅喟然嘆曰吾於二南見周道之所成於柏舟見匹夫執志之不易於淇奧見學之可以爲君子於考槃見遜世之士而無悶於世於木瓜見苞苴之禮行於緇衣見好賢之至橘柚在苞明果實皆苞之曲禮注云苞苴裹魚肉不言苞果實者注舉重而

畧之此苞之所通曲禮注云或以葦或以茅故
既夕禮云葦苞二野有死麕白茅苞之是或葦
或茅也

毛詩要義卷第三